

Kōttōpar ko an katak in:

- Kwaļok bwe Anij e jeļā men otemjej, im Enaaj kajeik aolep jerowiwī.
- Kwaļok bwe Anij e ban likūt bwe Jetan en lukkuun anjō. Enaaj jilkintok juon Ri Lomōor me Enaaj anjō ion Jetan im lomōoren armej jān kajoor an Jetan.
- Kwaļok joñan an nana jerowiwī im men ko re nana me rej waļok jān ad jerowiwī.
- Kwaļok bwe armej e jab maroñ make lomōoren e jān jerowiwī.

Meļeļe ko reļap ilo katak in:

- Jen lo bwe ejjeļok e maroñ ko jān oņean jerowiwī; Anij enaaj kajeik aolep.
- Jen lo bwe eņōj an Anij kōmman juon iaļ bwe jen anjō ion Jetan.
- Jen lo bwe aolep jorrān ko ilo laļ in rej waļok jān jerowiwī.

Je maroñ ba bwe Kallimur Mokta ej āinwōt juon foundesōn, ak juon pādpād, ñan kōj kōn katak kōn lomōor jān jerowiwī. Jej lo wāween an Anij jermal ippān armej. Jej lo wāween an armej jermal ippān Anij. Aolepen Kallimur Mokta ej reimaan lok ñan an Jijej itok ñan laļ in bwe En mej kōn jerowiwī ko ad. Eņōj ad katak kōn an Anij kwaļok ñan Adam im Iv aer jerowiwī. Kiiō jej katak kōn an Anij kajeik er kōn aer nana. Anij e wānōk. Ej aikuj bwe En ekajet aolep armej kōn nana ko aer.

Jermal 17:31 Bwe ear likūt juon raan, iumwin raan eo Enaaj ekajet ro ri laļ ilo wānōk...

Ekwe, jen lale wāween an Anij ekajete Adam, Iv, kab Jedpānit eo.

1. Anij Ear kajeik Jedpānit eo

*** Anij e kwōjarjar im wānōk. Ej ba bwe ro rej jerowiwī rej aikuj in mej.**



Jenesis 3:14 Im Jeova Anij Ear ba ñan jedpānit eo, “Kōn aņ kōmman men in, kwō lia jān aolepen kidu awiie otemjej, im jān kidu otemjej awiia; kwō naaj worroļok kōn lojiōm, im kwō naaj mōñā bwidej ilo raan otemjej in aņ mour.

Je ñak ewi kar jekjeken jedpānit eo mokta jān an Anij kajeik e. Je jeļā wōt bwe ear jab tōbalbal. Bar āinwōt ear jab kaamijak āinwōt snake ko ilo raan kein kōnke Iv ear mōñōñō in bwebwenato ippān. Anij Ear kajeik jedpānit eo kōn an jermal ñan Jetan.

- Anij e jeļā aolep men me Jetan im jetōb ro an rej lōmņak im kōmmani.
- Jetan im jetōb ro an (tiņon ro) re jab maroñ kūtīliek jān Anij.
- Anij enaaj kajeik Jetan im ro rej ļoor e kōn men ko re nana rej kōmmani im kōn aer jab pokake E.

Jān iien eo im etal, jedpānit ear juon waan joñak kōn nana eo an Jetan. Im kōjdat eo ikōtaan jedpānit

im kōrā eo ej kein kakememej armej kōn kōjdat ikōtaan Jetan im Ri kapet eo Jijej Kūraj.

2. Anij ear kallimur bwe enaaj wor juon Ri Lomoor

Ke emōj an Adam im Iv jab pokake Anij, raar jepel jān Anij im ļoor Setan.

- Raar jab nejin Anij kiiō.
- Raar nejin Jetan.

Mool ke bwe armej rej nejin Jetan eļañņe re jaņin bōk lomoor? Aet. Ilo Jon 8:44, Jisōs ear ba ñan jet ri tōl an kabuñ bwe raar nejin Jetan - meņe raar jar aolep Jabōt! Kab Jon ej ba men in:



1 Jon 3:10 Ro nejin Anij, im ro nejin tepiļ, rej alikkar ilo men in: jabdewōt eo e jab kōmņan wānōk, e jab jān Anij, barāinwōt eo e jab yokwe jein im jaten.



*Jon 1:12 A ro raar bōk E, Ear leļok ñan er bwe ren **erom** nejin Anij, ñan ro rej lōke Etan.*

Eļañņe juon ej *erom* nejin Anij, meleļein ear jab nejin Anij mokta. Kōn an jerōwiwi deļoņ ilo laļ in, jej aolep ļotak ilo jerōwiwi, im jej nejin tepiļ eo. Bōtab, kōn jouj an Anij, je maroņ erom nejin Anij.

Joņan in, bōlen Jetan ear ļomņak bwe e win im bwe enaaj an aolepen laļ in. Bōtab ejjeļok e maroņ win ñae Anij. Anij e kajoor otem kajoor.

* **Anij e kajoor jān aolep.**

Anij ear kallimur bwe Enaaj jilkintok juon Ri Lomoor eo enaaj anjō ioon Jetan im lomoorren armej jān kajoor eo an.



Jenesis 3:15 Im Inaaj likūt kōjdat ikōtaam im kōrā eo, im ikōtaan ineem im ineen. Enaaj kōkkure bōraņ, ak kwō naaj kōkkure jimwin neen.

Ej ba ineen wōn? Ineen kōrā eo. E jab ba “ineir,” āinwōt juon eo e ļotak jān emņaan im kōrā. Eoon in ej kōnono kōn Juon eo enaaj ļotak jān kōrā (ak e jab ba, jān emņaan), im enaaj kōkkure bōran Jetan.

Ñe juon ej kōkkure bōran juon jedpānit, enaaj mej. Ñe juon jedpānit ej kiji jimwin neen juon armej, enaaj jorrāān, ak e jab mej. Eoon in ej kwaļok bwe enaaj itok Juon, ļotak jān kōrā, me Enaaj bōk anjō ioon Jetan im kōkkure e.



* **Anij e jouj im emņan.**

Wōn eo e ļotak jān kōrā (ļotak jān juon virjin; Ais. 7:14), im Ear anjō ioon Jetan? Jijej Kūraj! Anij e jaņin kwaļok Etan ak wāween An naaj lomoorren armej, ak Ear leļok kōjatdikdik ñan Adam im Iv.

Anij ej jān indeeo, im E jeļā men otemjej. E kwōjarjar, im E jab oktak. Ej aikuj kajeik jerōwiwi. Bōtab

Anij e jouj, im Ear pukot kilen lomooren armej jān jerowiwi.

E maroñ kar likūt Adam im Iv bwe ren mej indeeo. Enaaj kar ekkar, bwe raar jumae E. Ejjełok an Anij aikuj bwe En lomooren armej. Ełaññe Ej kōmmane, ej kōn wōt An jouj.

3. Anij Ear kajeik Iv



Jenesis 3:16 Im Ear ba ñan lio, “Inaaj kanooj koorłok aṃ eñtaan ilo aṃ keotak ajri; kwōnaaj keotak nejōṃ kōn eñtaan, im kwōnaaj kōṇaan irooj ioon leo pāleōṃ, ak enaaj irooj ioṃ.”

Kōn an Iv kar jerowiwi, e im aolep kōrā ro tokālik rej eñtaan ilo iien keotak, im lōmaro pāleir rej irooj ioor.



1 Timote 2:12-14 A I jab likūt ñan juon kōrā bwe en ri kaki ak irooj ioon emṃaan, a ren tōt wōt. Bwe emōj kōmman Adam ṃokta, im tokālik Iv; Im ar jab ṃoṇe Adam, a ke emōj ṃoṇe Iv, ear jerowiwi.

Bōlen jet re naaj ba, Kattar wōt! Etke ej ba ar jab ṃoṇe Adam, ak ear ṃoṇe Iv? Ta, Adam ear jab jerowiwi ke? Aaet, Adam ear jerowiwi meñe Jetan ear jab ṃoṇe. Bōtab Iv ear jerowiwi kōn an Jetan ṃoṇe.

4. Anij Ej kajeik Adam



Jenesis 3:17 Im Ear ba ñan Adam, “Kōn aṃ eoroñ ainikien lio pāleōṃ, im ṃōñā jān wōjke eo Iar jiroñ yuk, im ba, ‘Kwōn jab ṃōñā jān e;’ e lia āne kōn kwe; kwō naaj ṃōñā jān e kōn būromōj raan ko otemjej in aṃ mour.”

Adam ear ełłok ñan Iv im kōmmane men eo ear jiroñ e kake. Ilo ṃool en kar pokake Anij.

- Adam ear jełā ta eo Anij ear ba.
- Adam ear kāālōt bwe en loor Iv im jab kōmman ankilaan Anij.

Adam ear kautiej armej jān Anij. Ear ṃōṇōṇō in loore pepe eo an kōrā eo ippān jān an kōmmane ankilaan Anij.

Adam im Iv raar pokake Jetan. Kōn men in Anij Ear kaliak bwidej eo.



Jenesis 3:18 Enaaj kadek kāliklik ko im mar kuuj ñan yuk, im kwō naaj ṃōñā mar in āne.



ṃokta jān an Adam jerowiwi ear lale jikin kallib eo. Aolepen keinikkan raar wāmourur. E kar pidodo an Adam lale jikin kallib eo. Ālikin an Anij kar kaliaki bwidej, jikin kallib eo ear obrak kōn wūjooj waan im kij.



Jenesis 3:19 Kōn menokadu in mejaṃ kwō naaj ṃōñā ekkan, ñan iien eo kwōj jeplaak ñan bwidej; bwe ar bōk yuk jān e; bwe bwidej kwe, im ñan bwidej kwō naaj jeplaak.

Adam ear jorrāan kōn an jerōwiwi ñae Anij. Laļ in ear bar āinwōt jorrāan kōn an Adam jerōwiwi. Ilo mool aolep men ko re nana ilo laļ in raar waļok kōn an Jetan im Adam jab pokake Anij.

Lōmņak jidik kōn men in, jerōwiwi an Adam ear jelōt aolep men ko ilo mour in. Aolep men in kōmanman ko rej rūmļok im mor ļok kōn an Adam kālōt jerōwiwi.

- E jorrāanļok environment kiiō.
- Elōñ wujoouj waan im kālōklōk.
- Aolep men rej morļok im mej.
- E nana lañ jet iien.
- Ewor menninmour me re maroñ kōkkure kōj.
- Elōñ kain nañinmej ilo laļ in kiiō.
- Elōñ iien būromōj.
- Ewor metak ilo keotak ajri.
- Ewor mōjņo ipped.



Ejjeļok nana in jerōwiwi, ke? Etke jerōwiwi an Adam ear jelōt aolepen laļ in? Kōnke ke Anij Ear kōmanman Adam Ear likūt e irooj ioon laļ in.

Ñe juon president ej kōmņan juon pepe e nana, pepe in ej jelōt ro rej pād iumwin pein. Je kōņaan tōmak bwe ad jerōwiwi e jab jelōt armej ro jet. E bōd men in! Jerōwiwi ko ad re naaj kōkkure kōj, ajri ro rejōd, im armej ilo jukjuken pād ko ad.

Oņean jerōwiwi mej. Ejab Adam wōt im ear mej, ak aolep men in eddek im menninmour ko raar barāinwōt mej. Ilo raan kein, aolep men ko rej etal im jorrāan. Jekdoņon ta! Mool in en kakememej kōj bwe oņean jerōwiwi ej jorrāan im mej.

Enaaj ke jako ruōn Adam im ejjeļok kaje eļañņe ej

- joļok an bōd ippān Anij?
- kate e pokake jān iien in im etal?

Jaab, bwe oņean jerōwiwi mej. Anij e ban riab ak oktak, im emōj An ba bwe eļañņe Adam e jerōwiwi, ej aikuj in mej. Āindein kōj aolep.

5. Adam im Iv Rej Jemān im Jinen armej otemjej.



Jenesis 3:20 Im ļeo ear likūt etan lio pālen Iv; bwe jinen ro otemjej rej mour.

Meñe e oktak kilen ri Majel jān kilen ri Balle, kilen ri Pilipiin, im kilen ri Japan, rej aolep pād ilo bwijin Adam.



Jerbal 17:26 Im Ear kōmanman jān juon wōt, ri aelōñ kan otemjeļok rej jokwe i mejan laļ, im Ear likūt iien ko ar jiroñ kaki mokta, im tōrerein āne ko āneir.

Iv ej kōrā eo mōktata, im jān e ear waļok bwij otemjej im armej otemjej. Adam ej jemād wōj. Adam ear kōkkure an kōmņao ippān Anij kōn an jerōwiwi. Ear kōkkure laļ in kōn an kar jerōwiwi. An Adam


jerowiwī ear kaḷapḷok būromōj im jerowiwī ilo laḷ in.



Rom 5:12 Kōn men in, āinwōt kōn juon armej, jerowiwī ej deloñ ilo laḷ im mej kōn jerowiwī; im āindein mej ear itok ioon armej otemjej bwe er otemjej raar jerowiwī.

Aolep armej ilo laḷ in re naaj mej kōnke jej aolep ri jerowiwī, im etke jej aolep ri jerowiwī? Jej aolep ri jerowiwī kōnke jej ro nejin Adam. Mool bwe je naaj aolep leḷok uwaak kōn jerowiwī ko ad make, bōtab unin ad jerowiwī ej kōnke kōj jej nejin Adam.

Adam enaaj mej



Aolep ro rej waḷok jān Adam renaaj mej

Unin ad jerowiwī ej kōnke kōj ri jerowiwī jān iien ad ḷotak.



Sam 51:5 Lo, eḷōj kōḡmanḡan eō ilo jab wānōk; im ilo jerowiwī jinō ear ettaik eō.

Mool ke bwe juon niñniñ ej juon ri jerowiwī? Ekkar ñan Bible, aet.

- Etke juon niñniñ e jeḷā kwaḷok an illu im bōt meñe e jañin jeḷā kōnnaan? E ri jerowiwī.
- Etke jet niñniñ re mej? Eḷaññe e jab juon ri jerowiwī, e jab maroñ mej.



Unin ad kōḡman nana ej kōnke e nana būruōd jān iien ad ḷotak.

Bōd:

Ajri ḷotak im jimwe $\xrightarrow{\text{innām}}$ rūttoḷok im erom ri jerowiwī ke ej kōḡman nana

Jimwe:

Ajri re ḷotak ri jerowiwī $\xrightarrow{\text{innām}}$ rūttoḷok im kōḡman nana bwe āindein būrueir

Ke Anij Ear kōḡmanḡan armej im aolep men ko ilañ im i laḷ, raar weepḡan im erreō. Kōn an Adam im Iv jab pokake Anij, jerowiwī ear timon im orḷok. Jen jab kadikḷok ad nana. Jen jab make kawānōk kōj.

Oṅean jerṓwiwi ej mej, ak men in jouj an Anij ej mour indeeo ilo Kūraij Jijej ad irooj.

Kajjitōk ko:

1. Ta kaje eo jedpānit eo?
2. Ta kaje an kōrā?
3. Ta kaje an emmaan?
4. Etke Anij ear kallimur in jilkintok juon Ri Lomṓṓr?
5. Etke jej ba bwe niñniñ rej ri jerṓwiwi?
6. Etke aolep armej rej mej?
7. Anij ear aikuj in letok juon Ri Lomṓṓr ke?